

eſt, ſpiritus incorruptibilis eſſentia imprimitur. *Super alis enim venti mouebatur Iehoua*, teſte Pſalmiſta regio: & in illa quæ ex ventis tanquam compoſita ex ſimplicibus componuntur.

At vero, quoniam ex rebus compoſitis alia propinquius ad ſimplicitatem accedere videmus, & ob hanc cauſam reſpectiue ſimplicia nuncupantur. Similiter, quia vnicum cernimus meteoron ex multis, quali totum ex ſuis partibus, conflatum, ideo meteora immediate ex ventis conflata, partim comparate ſimplicia, partim ex iisdem ſimplicibus compoſita, idque haud inconſulte fecimus: Quæ autem reſpectiue ſimplicia eſſe obſeruauimus, iterum dupliciter diſtingui diximus, vtpote quæ ſunt vei tenebroſa ſeu opaca, vel lucida & ignea. De genere tenebroſo hac in particula atque etiam conſe- quente; de illo lucido in particula tertia libro partis huius tertio copioſe diſcurremus.

C A P. II.

De generali Meteororum tenebroſorum differentia.

H	}	Aquea: Vide M.
Meteora in macrocoſmo tenebroſa à ventis collecta animataque ſunt duplicia videlicet		Terrea: Vide N.

Cum omnia quæ in mundo ſunt, ex tenebroſi Chaos medulla & fonte, tanquam materiali & lucida creatoris emanatione, in origine formali dictam materiem generalem velut informante procedant, non abſurde à nobis factum putamus, differentiam immanem in diſcurſu hoc noſtro meteorologico, inter meteora tenebroſa & illa lucida facere; nec tamen per meteora tenebroſa tales finimus chimæras, in quibus nullæ inſunt lucis primariæ portiones; nam ſine lucis formalis participatione nihil, & plane potentialia eſſent meteora, ſed ideo illa tenebroſa nuncupamus, vtpote in quibus lux formalis occultatur, & tota mixtio opaca & minime per ſe lucida oculis noſtris apparet. Sic etiam teſtimonio ſacri Biblij dictum eſt, *Tenebras fuiſſe ſuper faciem abyſſi Genes. 1.* Et tamen *in abyſſorum profunditatem ambulauit ſapientia*, vt in Eccleſiaſte habemus: *Eccleſ. 24.* Nam tenebra teſte Pſalmiſta regio Deo non ſunt tenebrae, *Pſal. 139.* & vt alibi, *Denſa nubes ſunt latibulum DEI, qui ambitum cælorum obambulat, Iob. 22. 18.* Et alibi, *Denſa nubes vehiculum DEI ſeu currus, qui itat ſuper alas venti, Pſal. 104.* Imo vero DEVS ipſe dixit *ſe habitare in tenebris ſeu ſub caligine, Chron. 6. 1.* Et alibi. *Fecit tenebras locum ſuum ſecretum, & aquis nigerrimis ac tenebris denſis circumſepiebat tabernaculum ſuum, vt velamenti loco ipſi inſeruirent, Pſal. 18. 11.* Nonne etiam dictum eſt, *quod tenebrae in Ægypto potentia diuina prouenientes fuerint tam magnæ, vt vnus alterum non videret? & tamen more nebulae obſcuræ palpabiles erant, Exod. 10.* Atque hæc ſunt tenebræ aqueæ ſeu madidæ conditione.

Porro etiam ipſa terra pro tenebris accipitur, quæ & tenebroſa dicitur, quemadmodum in multis Scripti Sacri locis videre licet, & conſequenter omnia meteora compacta & opaca, ſeu conſiſtentiaæ terreſtris, tenebroſa haud inepte aut temere diximus, cuiuſmodi ſunt lapis Ceraunius ſeu fulminaris, manna, corpora metallica, & huiuſmodi alia.

Relatiuum ad Microcoſmum.

H	}	Aquea: Vide 2.
Meteora in Microcoſmo tenebroſa à ventis collecta animataque ſunt vel		Terrea: Vide 3.

Simili plane ratione meteora in Microcoſmo aut opaca ſunt dicenda, aut ignea. Nam vt in magno mundo videmus, terram eſſe tenebrarum quali fontem & originem, vnde dictum eſt, *Terræ loca tenebroſa ſunt & plena crudelium & violentorum*, Ita etiam de terra ſeu corpore humano dicitur, *Corpus inſeſtum corruptioni aggrauat animam, & terrena habitatio deprimit mentē multis curis plenam, Sap. 9. 15.* & alibi: *Corpus eſt lutea domus hominis interni, qui terreum habet fundamentum, Iob. 4. 9.* Et alibi, *ſ terra ne te gas ſanguinem meum, Iob. 16. 18.* & ſapiens dicit, *quod corpus ſit locus luctus, Eccleſ. 7.* Et alibi dicitur. *Impius proijcietur in tenebras vbi eſt luctus & ſtridor dentium:* Et alibi reſpectu corporis homo dicitur *puluis & cinis: Genes. 18. 17.* Porro etiam dictum reperimus, *quod caro corruerit viam ſuam coram DEO ſuper terram, & alibi in eodem, violentiæ & concupiſcentia omnis author caro, Genes. 6.* & alibi *Homo caro, ſpiritus vadens*

H

vadens